

सुजुगिरिनि खोलोम

दानाय लुनायखौ थुलुगां होनायनि गोनाथि

बुंस हायै समनिक्रयनो गामिआव राइजो जाग्रा सुबुंफ्रन दानाय लुनायखौ गोनां आरिसु महरै गोबाना लाबोदों। बर' माहारिनि गेजेरव बाश्रा फंसे दइ 'जाय हिन्जाव दानाय लुनायाव आखाय गैया बे हिन्जाव सिख्खाखौ रवबो हाबा खालामा'। बाश्राया नंखाय नइ। गामिआव नखरफ्रोमबो साल-गान्दैजों समायना इसानसाली थानायमोन। मेसैं बोथोर सौफेनाय लोगो लोगो नखर नखर सि सौनाय, नो-खन्नाय, बिनि उनाव गान्दैआव खुनुंखौ फान्ना सालाव दानाय। गामिआव हाबहैब्लानो नखर नखर खालथां, खालथां, माखु गान्नाय सोदोव खोनानो मोननायमोन। आथिखालाव नाथय गामिप्रव हाबहैब्लाना माखु गान्नायखौ बारा खोनानो मोनलिया। मानि जाहोनाव गामिनि आइजोप्र सि दानायखौ नागरनो हमखो, बेखोबो गोथोथै साननो गोनां जाबाय। गोदोफेर खुनुंखौ गाव गावनो बाइदि रोखोम मुवाजों गोमो, गोथां गोजा, गोमो दाउदै बाइदि रोखोम मुवाजों बाइदि बाइदि गाव गावा सि दानायमोन। दानिया नाथय, हाथयाव मोननाय गोजा गोथां गोमो बाइदि रोखोम गाबनि खुनुं बायना दखना, जोमग्रा सिमा, बाइदि बाइदि रोखोमि सि दाबाय। गोदो गामि गामि इन्दि बिफानि बागान खालामना एमफौ फिनानै फिथोबनिक्रय इन्दि, खुनुं दिहना इन्दि सि दानायमोन। नखराव जोमनो दोननानैबो गुबुनोबो फानहरोमोन। इन्दि सिनि बेसेनआ गोदोनिखुइ आथिखालाव गोबां जसिनबाय। गोबां रोखोमनि इन्दिसि दाना दिहनुो हाब्ला बेनिक्रयबो गोबां रं मोननो हायो। बेजोंनो नखरनि गथ गथयनो लेखा-बायनो गाननाय जोमनायखौबो जंगार खालामनो हायो। आथिखालनि सुबुंफ्रा नाथय इन्दिसिखौ जौमाबालानो हाथयाव मोननाय मनिपुरि जोमग्रा, काश्मीर साल बाइदि बाइदि सि फोरखौसो बायना जोमसैं।

सि फालांगि खालामनो माखासे आइजोप्रन दाउगाबोनायखौ नुनो मोनदों। आइजोफेरनि दानाय लुनायनि आफदफेर दाना लानायखौ नुनो मोनदोंसे। बे रोखोमनि उइभिं सेन्टारव दखना जोमग्रा बाइदि बाइदि सि दाना हाथय बाजारव फाननोबो लाबाय। गामिनि सिख्खाफ्रनो बे उइभिं सेन्टारव जानो अन्थाल' रं लाना दानाय लुनाय हाबाखौ मावनो हमबाय। नाथय बेजों उइभिंनि सोदोमोफ्रा बेसे बां मुलाम्फा देखांनो हादों बेबो मोनसे साननो गोनां। नुनो मोननाय बादिदेब्ला उइभिंनिप्रय दिहनुजानाय सि-जोमखौ फननायनि थाखाय नांगोमानि गुवार रोखोमनि हाथय गैया। नांगो रोखोमनि गुवार हाथय गैयाब्ला उइभिंनिप्रय थांना थानांगोआ गोब्राव। हादोरनि बायइआवबो बे रोखोमनि हाथय थानांगोन।

जैरिख जाया, माहारिनि हारिसु आरो आरिसुखौ फोथाना लाखिनायनि लामाखौबो लानांगोन। बि.टि.सि. हालामनि बर' आइजोप्रन गोदो गोदायनिक्रय सोलिबोनाय दानाय लुनायनि आखुखौ फोथाना लाखिनांगोन। बिटिसिनि दैदेनगिरिफ्राबो गामिफेरनि आइजोफेरखौ थुलुगां होनानै साथिना जाग्रा सुबुंफेरनो गान्ना दखना गान्सेनि खुनुं खिनिखौ जगानाया सोरकरा होनो हांगोणोन। आथिखालनि गामिफेरनि सुबुंफेरनि हाल-साला गामाम नलिया। जानाय लौनायखौनो जगानाय हायाब्ला गाननाय जोमनायखौ मात्रे जगानाय होनो ? जैरिख जाया थानानै थानायनि राहाखौ बिटिसिनि दैदेनगिरिफ्रा गामिनि सुबुंफेरनो होनांगोन। बिनि लोगो लोगो माहारिनि हारिसु आरो आरिसुखौबो फोथानानै लाखिनांगोन।

दिनैनि फानजामुथि

- राशि बाइदियै मुनि गिबि हांखो**
- मेष : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)
- मेष:** हरखाबै माबा मोनसे मुवा मोनो हागौ। फारफ्रोमबो मोजां। गोजोन्नाय मोनगोन।
- वृष:** गोसो सिडव माखौबा लानानै दुखु मोननाय सोमजिनो हागौ। गोसो हमथानानै थानांगोन।
- मिथुन:** जैरैबो मोजां मोनलायनाय, अनलायनायजों समखौ बारग' होनो हागोन। मुलाम्फा मोनगोन।
- कर्कट:** फालांगिरि मावगानि थाखाय गोथार सान। माबा मोनसे फसनांनै लानो हागोन। जौगाखांगोन।
- सिंह:** जैरिख मावा मुलाम्फा खालामनो हागोन। जैरैबो गोजोन्नायखौ मोनो हागोन। मोजां दिन।
- कन्या:** मानिबा जाहोनाव रं खरसा खालामनानो हागौ। गोसो हमथानांगोन।
- तुला:** फालांगि मावोबा रांखावरि आय जानो हागौ। जैरिख मावा मुलाम्फा खालामनो हागोन।
- वृश्चिक:** मोजां रौंग'थिनि थाखाय मान होजानो मोनो हागौ। माबा मोनसे मोजां बान्थाबो मोनो हागौ।
- धनु:** बायदिसिना होनानै सोरजोंबा निन्दा होजानो हागौ। गोसोआव दुखु मोनखानो हागौ।
- मकर:** माबा मोनसे मावोबा रांखावरिनि आय खालामनो हागोन। गोजोने नख'र सालायलान हागोन।
- कुम्भ:** जैरिख मावा रांखावरि मुलाम्फा खालामनो हागोन। जैरैबो जौगालानो हागोन। मोजां सान।
- मीन:** माबा मोनसे जाहोननि थाखाय रं खरसा खालामनानो हागौ। हमथानानै बाहायनाया मोजां।

बर' राजा कृष्ण चन्द्रया गावनि धोरोमखौ मानो नागरामोन ?

बकुल चन्द्र वसुमतारी

इं 1790

माइथायनि बाश्रा। खोला आसामाव बर' राजा कृष्ण चन्द्रआ गोमोम राइजो खुं'गासिनो दंमोन। बिनि बिसिबांवा सिगांनि गिबियावो गासिबो भारतआव हिन्दु धोरोमा गोसार जोबखाबायमोन। हिन्दुफोरनि बर्ण प्रथाया बयनावबो गोसारनो लाजोबबायमोन। हिन्दु धोरोमनि दैबानाया बेंगल आरो आसामआवबो लोमनो लाफेबायमोन। भारतनि गासिबो राजा महाराजाफोरा हिन्दु धोरोमनि फाख'नआव सिम्भ्रे जानानै गावसोरखौ हिन्दु फोलेरनि होनानै लानो हमजोबखाबायमोन। बर'-कसारि राजाफोरा डिमापुरआव राजथाउनि लुनानै राइजो खुं'गाय समाव हिन्दु धोरोमनि बार हुंखाआ बिसोरनि नख'रआवबो बुलावफेदोंमोन। सोनाबनि बिन्दु सुबुंफोरा डिमापुराव हाबफेनानै बर'फोरनि खोमायाव हिन्दु धोरोमनि सान्थोफोरनि बाश्राखौ सोनानै होफेदोंमोन। बिनि गिबि बेंगलआव राइजो खुं'गाय बर' राजाफोरा हिन्दु फोलेरआव हाबनानै गावसोरखौ हिन्दुफोर होनानानै लाखांखाबायमोन। मेच राजा बिश्वसिंह, नरनारायन मोनहा हिन्दुयाव हाबनानै गावसोरखौ राजानि बंश राजबंशी होनानै फोसावखांबायमोन। सानजानि आरो खोलाहानि बर'फोरा हाया हाया गावसोरखौ बर' फोलेरनि दुरुंजों खानानै लाखिनो नाजाबाय थादोंमोन। नाथय बर'फोरनि बे दुरुंडा सानसेखालि जनानै थादोंमोन। बिसोरबो हिन्दुफोरनि धोरोम आरो सान्थोखौ गनयनो गोनां जादोंमोन।

हिन्दु धोरोम फोसावगिरि हिन्दु बामोनफोरा सानसेखालि बर' राजा कृष्ण चन्द्रनि सिगाडव बुंफेदोंमोन : मानव गेदेर राजा कृष्ण चन्द्र, नोंथाडा इनायनो गोहो गोरारो नोंथाडा जेरावबो मुंदांखा। नोंथानि फोरजा बेंनाय आरो राइजो खुं'गाया जोबोर बाखाय जाथाव। नोंथानि गोहो बोलोया सोरगोन राजा इन्द्रनि समान। नोंथानि मुंखौ सोरगो, बुहुम आरो पातालपुरिनि बयबो मिथिजोबगो। नाथय नोंथांहा मोनसे खहा दडा। बे खहाया जाबाय, नोंथाडा दाबो हिन्दु नडा। संसारनि नियमआ बेखौनो थिनयो दि, राजाफोरा क्षत्रिय फोलेरनि सुबुं जानो गोनां। गुबुनफोर सुबुंफोरा राजा जानानै राइजो खुं'गो मोनथाय जाबोर बोगार फानांगोनबो जेबो गरन्थ गैलिया। जेखियानो जा माबा दडाब्लाबो सासेल' फिसानि सायाव बिमा बिफानि मेगननि नोजोराबो खमयालांखायो। रथनि फारसे सुलु लाग्रा रावबो गैलिया। नाथल जायल सासेल' बिनानाव दंमोन, नाथय बिबो थांनाय मेसेडव दैमुगुरि गामियाव हाबा जाहैबाइ। बिनानाव उरमिला हाबा जानायनिक्रयनो आगदानि थाइसे आखायखौबो थारला

हिन्दु फोलेरआव जोनोम मोनबाय होनानै बिबुंसारनाय जादोंमोन। बर' राजा कृष्ण चन्द्रआ बिदिनो हिन्दु फोलेरआव हाबनानै थादोंमोन। बाश्राया नाथय बेवनो जोबनानै थाडाखैमोन। उननि मुगाफोराव राजानि बंशखौ संनानै थाडेब्ला, राजाया बर' फोलेरनिफ्राय ओंखारबोनाय राजा होनानानै मिथिगोमोन। मात्रे थो बियो हिन्दुफोलेरनि क्षत्रिय राजा जाखो, बेखौ सुबुंफोरा सोंगोमोन। बिदि सौनायनिक्रय बारगनो थाखाय हिन्दु बामोनफोरा सानखानानै नंखाय जाथायफोरखौ लिरनानै दोनदोंमोन। राजानि बंसावलीआव नडै बाडै सल'खौनो लिरनानै सुबुंफोरखौ आन्दाय होनो फाव फान्दायनाय जादोंमोन। राजा कृष्ण चन्द्रनि बंशखौ बिसोरनो बेबादि सल'सोरजिखानानै महाभारतनि मुगानि साबा पान्डवफोरजों सरजाबनानै होदोंमोन। बर'फोरखौ साबा पान्डवफोरजों सरजाबनो थाखाय बिसोर गाहायाव दिन्थिनायबादि फावखौ फान्दायलांदों, "मह'भारतनि मुगायाव पान्डुनि फिसाज्ला साबा युधिष्ठिर, भीम, अर्जुन, नकुल आरो सहदेवआ बनबासआव थानानाय समाव, सानसेखालि बर'फोरनि राइजो डिमापुराव सौफेदोंमोन। बे समाव डिमापुराव हिडिम्बा मुनि नायनो मोजां मेगनाव गोनां सासे बर' हिन्जाव दंमोन। बिनि मुझ हिडिम्बामोन। हिडिम्बाया जैरै नायनो मोजांमोन, बेबादिनो बियो इनायनो मायाबो गोदोंमोन। हाग्राबायिथाव कर्णया घटतक'चनि खोमोन

सुंद' सल' रथननि जिउ जारिमिन

बायस'नाय बायदिबो मोनथार खाबाइ रथना। सि जोम गाननाय जोमनाय जानाय लौनाय गासैबो बिनानाव उरमिलानि सायावनोमोन। हे अबलावरि नों जैरै देबायथिडे एरैनो आंबो नोंनि उन उन बेफोरखौ गासैबो सानखानांनै एखमब्ला हरफामानि उन्दुनो ओंखारामोन रथना। सानसे खालि रथन मोननि गामियाव राइजो हांगामानि मेल दंमोनलाय ओइदिनखालि रथना नयावनो दंमोन सानजु फ्लसम गिलु बालु गोसा सान्दुं, ओंखारबा ओंखार जायो ओंखारबा थाजायो। जि बायदि आसार दाननि सान्दुं। बिखासोलेरयाव नांहाब है लाइनाय। रथना गावसिनि खान्थाल बिफां साया सिडव जिरायनानै फराय हेनो बड'सा पेपार गांसे आरो लोगोसे आखायाव गांसे रबारनि सियार लानानै ओंखारलानाय मानसिया माबा सानहाबनानै गावनि उन्दुग्रा खथायाव हाबलांफिन गारबाइ रथना। (थांखिया गसाइगावसिम थानानै ख्रिस्तान मिस'नारियाव फादार एबा बिसफजों रायज्ज्यायनानै मिसनारी जाफाहै नाय।) हे गाराव आलायनानै दोननाय लंपेन गस्ताखौ गाननानै रावबो फेद फुद फंसेबो खोथा होयाबा

दोंसेबो सोमावनो हायाखैमोन। कर्णहा मोदाय राजा इन्द्रनिक्रय मोननाय मोनसे बान दंमोन। बे बानआ जेब्लाबो फेलें जायामोन। कर्णआ बे बाणखौ खेबसेल' बाहायनो हागोन होनानानै इन्द्रआ बुंनानै दोनखादोंमोन। खेबसे बाहायनायनि उनाव बियो इन्द्रनावनो थांफिनगोन होनानानै बुंनानै दोनखानाय जादोंमोन। बे बाणखौ बाहायाब्ला कौरवफोरा गासिबो घटतक'चजों बुथारजोब जासिगोमोन। कर्णआ उपाय गैयैलाय इन्द्रनि बे बाणखौ बाहायनो गोनां जादोंमोन। घचतक'चआ सानथ'हायै कौरबनि रौनियाफोरखौ बुथारनानै कर्णनि बानआव थैनां थादोंमोन। गोहो गोपा भीमनि फिसाज्ला घटतक'चनि बंशनिनो सेजो राजानि उनाव राजा कृष्ण चन्द्रआ जोनोम मोनदोंमोन आरो हिडिम्बापुरिनि राजा जादोंमोन।" दानिआ बे लिरनाय बाश्राफोरा बिसिबां फोथायजाथाव बेखौ बिजिनानै नायनायनि। गासिबो बिजिनानै नायोब्ला नुनो मोनगोन दि, बर'फोरा भीमनि बंशनिक्रय ओंखारबोनाय होनानानै लिरनाय बाश्राया सैथो नडा। बिनि जाहोनफोरखौ बुनरनानै गाहायाव फेनदलानानै होनाय जाबाय। क. महाभारतआ सानखानानै लिरनाय मोनसे बिजाव। महाभारतआव लिरनाय जाथायफोरआबो गासिबो गोसोजों सानखानानै लिरनाय बाश्राफोरा। ख. युधिष्ठिर भीममोनहाबो सानखानानै सोरजि जानाय। ग. बिनि अनगायैबो नुनो मोनगोन, समाव भीममोनहा

हिडिम्बापुरीआव फेयाखैमोन। घ. महाभारतआव लिरनाय हिडिम्बा आरो घटतक'चआ हरियाणा आरो राजस्थानआव राइजो जानाय मीना सुबुंफोरनि मोदायफेर। बिसोरखौ मीनाफोरा दाबनो सिबिगासिनो दं। ड. मीनाफोरनि गुदि फोलेरनि सोमोन्दैबो बर'फोरनि गुदि फोलेरखौ लिरनाय बादिनो लिरनाय जादों। च. हिडिम्बा आरो घटतक'चआ मोनसे समयावनो रोजा रोजा माइल गोजान जालायनाय जायगा हिडिम्बापुरी आरो हरियाणाआव राइजो जादोंमोन होनोब्ला बियो गनायजाथाव बाश्रा जानाय नडा। होमब्लालाय मानोथो बिदि लिरनाय जादोंमोन ? सौलुनाय सोमजिखानांगोन। बे सौलुनि फिननाया बेनो दि, बिदि बादि लिरनानै रोन होनाडा जासे हिन्दुफोरा गासिबो भारतआव हिन्दु धोरोमखौ फोसावनो हादोंमोन। गासिबो राजा महा-राजाफोरखौ हिन्दु फोलेरनि क्षत्रिय हान्जायाव सोनानै लानो खाबु मोनदोंमोन। बेखौनो जारिमिन लिरगिरिफोरा हिन्दुफोरनि बयनिक्रय गेदेरसिन आरो खामानियाव होनाय गोखौंसिन राजखान्थि होननानै गनयनो गोनां जादों। बिदिबादि सोलिनायखौ बर'फोरनावल' खालायनाय जायाखैमोन। गुबुनफोरनावबो खालायनाय जादोंमोन। थफातआ बेनोल'दि, गुबुन सुबुंफोरा गासिबो फुरा हिन्दु जाजोबनानै थादों। नाथय बर'फोरनि माखासे आ गावसोरनि गुबैथिखौ लाखिनानै दिनेसिम संसाराव राइजो जागासिनो दंवावयो □ सेंग्राफ्रा गावनि आंगो हिन्दु समाज एबा ब्रह्म धोरोमखौसो सावजोब लानायसो जासिगोमोनबो। (बिबादिनो साइकेल सा-सा रथना न'सिम गोसो खांबोयो।) रथना मोनसे हुदा दंखायो बायहारानिक्रय फेनानै नयाव हाबफैब्ला रावजोंबो फंसेबो खोथा राइज्ज्याया बालानो गाव उन्दुग्रा नआव श्रोब हाबफैग्रा। नआव सौफै नाय लोगो लोगो साइकेलखौ गाव दोनग्रायाव दोननानै खथायाव थोब हाबलाडो। गावनि गाननाय जोमनाय खसाबफोरखौ खुलिया बालानो थोने आथिखौबो हा थिंजाय सरलाय खालामनानै गावनि बिसिनायाव फोरदा खाग्रानानै बिखायाव थाइने आखायखौबो होनानै न'मुदानि गोजौथिं गल'ल' नायखोनानै माबा मोनसे सानहाब बावबाय रथना। अह' अह' बिबायदिजों जाथारनाय नलिया गाबोन अखा नयाब्लानो आं गोदो स्कुलार सिपनि मोननाय थाखाजों बायनाय साइकेलखौ फानहैग्रोनांसिगोन। बेसेबां मोनो बेखौनो लानानै माबा मोनसे दोलो हान्जायाव हाबहैनानै इयुननि जिउखौ दाहै नो हानायबायदि सानसे नायगिरि हैनांसिगोन। नडाब्ला नैबे बेकार रथनि जिउया मानसि महराव दोनजानाय नंला। साननानै थाख थियारी जाखाबाइ रथना। अखानायै साहा लोंखं आरिखं (□ 7 बिलाइआव)

हादतनि सुबुंफोरा करना बोथोराव बिसायख 'थि खालामनानै मुलुगनो गोहो दिन्थिबाय : मदि

गोदान दिल्ली, 12 नभेम्बर : बिहार बिधान सभा बिसायख 'थियाव गोबां भट मोन्ना नै देरहानायनि उनाव थानाय बुधवारखालि दिल्लीयाव थानाय बिजेपि मावख 'याव रंजा-बाजा खालामनानयनि थियारि खालामो। बेनि थाखाय पिएम नरेन्द्र मदि आरो बिजेपिनि आफादगिरि जेपी नड्डाजो लो गोसे बिजेपिनि गागि दै देनगिरि आ बेलासियाव बिजेपिनि मावख 'याव सौहैयो। बे समाव पिएम मदिआ बुडे, करना बोथोराव बिसायख 'थि खालामनाया गोरलै बाथ्रा नडामोन, नाथाय हादतनि



सुबुंफोरा बे थासारियाव बिसायख 'थि खालामनानै मुलुगनो गोहो दिन्थिबाय। बेनि गेजेरजो मदिआ बिहाराव देरहानायनि थाखाय हादतनि सुबुंफोरोसो साबायख 'र बावहरो। पिएमआ सुबुंफोरखौ सोमोन्दो

वेबसाइट आरो टिबिआवमोन। बेनि सोमोन्दै बिजेपिनि माहारियारि आफादगिरि जेपी नड्डाआ बुडे मुलुगना करना भाइरासनि खै फोदआव गोरलै नाबाय बे बायदियाव बिहार बिसायख 'थिया भारतनि गिबि देरसिन बिसायख 'थिमोन। बिहारनि देरहानाया गोदान लामा होसिगोन। बेनि थाखाय बयबो पिएम मदिनि हाबाफारियाव मदत होदो। बेनि थाखाय बिजेपिनि आफादगिरि आ बिहारनि सुबुंफोरनो कौटि कौटि साबायख 'र बावहरो।

बाथ्रा बुंनयाव गोरोब लायैआव सोरखौबा थांखिनाया गोरोन्थि बाथ्रा : सुप्रिम कर्ट

गोदान दिल्ली, 12 नभेम्बर : सुप्रिम कर्टआ बुंदो राइज्यो सरकारफोरा बाथ्रा बुंनयाव गोरोब लायैनि जाहोनाव जुदि सुबुंफोरखौ थांखियोब्ला बिसोरो बे बाथ्राखौ मोनथि नांगौदि नोगोरारिनि उदासिनि थाखाय हादतनि सुप्रिम कर्टआ दड आरो बेबादिखौ सहायनाय जानाय नड। जास्टिस डिवाइ चन्द्रचुडनि पीठआ बुंदो जुदि बे रोखोमै सोरबा सुबुंनि उदासिखौ हें था होयोब्ला, बेबादिया बिजिरनायखौ लाजिफोनानाय जागोन। पीठआ रिपब्लिक टिभिनि इडिटर अर्नब गस्वामीनो अन्तरिम जामिन होनो बिथोन होनानै



थांखि लानायखौ रैखाथियै लाखिदो। पीठआ बुंदो, हाइकर्टआ जामिन होयैनि मोनसेनि उनाव मोनसे केसखौ नुनो मोन्नाय जादो आरो बेयो सुबुंथिनि उदासि आरो गावयारि उदासिखौ रैखाथि होनायाव फेलें जादो। कर्टआ राइज्यो सरकारआव गस्वामीखौ जिम्मायाव लानानै सोंथि सोनांगीनि गोनादि दं ना गैया बे बाथ्राखौ मोनथिनो गोसो जादोमोन। बेयो सुबुंनि उदासिजो सोमोन्दो थानाय केस। भारतीय सुबुंत्त्रया सरासन्ना नेमखाथियै सोलिदो आरो महाराष्ट्र सरकारआ

अर्नबनि सायाव गोखोडै-नोजोर होनो नाड। जुदि संबिजितयारि बिजिरसालिया बे केसयाव आखाय होयाब्ला, बे केसआ खैफोद फासै आवगय लांगोन। सोंथिया जादो बेबादि दाय जाबसिन्नायनि जाहोनाव बिखौ सुबुंथिनि उदासिनिफ्राय जानगारयाव दोननांगो नाम। राइज्यो सरकारनिफ्राय नुजाथिनाय गागि उकिल सिब्बालआ बुंदो, बेबादि के सयाव जामिन होब्ला गोरोन्थि आसारखाथिखौ गायसन लांनाय जागोन। मानोना नायबिजिरनायनि रिपर्टखौ कर्टयाव फोरमायनाय जायखै।

गोब्राव जानायनि समाव जामिन मोनाब्ला। सुप्रिम कर्टआ बे रोखोमनि केसखौ बिजिराब्ला सुबुंथिनि उदासिया फुरायै सिलिंखार जागोन। गाव बेखौ लानानै गोबां सिगा सिदो। बे रोखोमनि केसखौ बिजिराब्ला गोबां जेना गोनां बाथ्रा जागोन। राइज्यो सरकारनिफ्राय नुजाथिनाय गागि उकिल सिब्बालआ बुंदो, बेबादि के सयाव जामिन होब्ला गोरोन्थि आसारखाथिखौ गायसन लांनाय जागोन। मानोना नायबिजिरनायनि रिपर्टखौ कर्टयाव फोरमायनाय जायखै।

अयध्यायाव सील, आलारि बाथि सावनाय फोर्बोया गोदान वर्ल्ड रेकर्ड सोर्जिनायनि लामायाव

अयध्या, 12 नभेम्बर : अयध्याआव श्रीराम मन्दिरनि हा सायाव फुजा होनायनि उनाव बे खेबनि दिवालीखौ बांसिनै जर 'खा बानायनायनि थियारि खालामनाय जादो। बेनि गेजेरजो अयध्याआव दिवालीखौ लानानै गासै थियारिफोरा आबु जाखांबाय। मानोना 11 नभेम्बरनिफ्रायनो आलारि बाथि सावनायनि फोर्बोया जागायबाय। रामनि पड्डीआव गाजा-गोमजायै आलारि बाथि सावनाय हाबाफारिखौ 13 नभेम्बरवा खुनाय जागोन। अदेबानि राम जोनोम जानायनि लांगोनायाव गिबि खेबै 11 रोजानिखुइ बांसिन आलारि बाथिया जौब्लाउगोन। बेराफासै रामनि पेड्डीआव 5 खावसे लाख आलारि बाथि सावनाय गोदान वर्ल्ड रेकर्ड खालामनानयनि थियारि खालामनाय जादो। बेनि गेजेरजो थानाय 11 नभेम्बरनिफ्रायनो अयध्यानि सिमनाखौ सील खालामनानै



होनाय जाबाय। मख 'नो गोनादि, 13 नभेम्बरवा गिबि मन्थि यगी आदित्यनाथनि दैदेनायाव राम कथा पार्कआव भगवान श्रीराम, लक्ष्मण आरो सीताखौ बिबारजो बुंफबनाय हेलेकप्टरजो अयध्याआव फे गोन, जेराव बिसोरखौ बरायनाय जागोन। बे आलारि बाथि सावनाय फोर्बोनि समाव सांन्थि फोरबो थिसन्नाय जागोन आरो बेयाव गं 11 थि झाङ्कानिफोरनि गेजेरजो

भगवान रामनि जोनोमनिफ्राय लंकाखौ फोर्बोबसंनयसिमनि भावथिनाखौ दिन्थिनाय जागोन।

देग्लायनिफ्राय गुसु बोथोरावबो थाइजौ फिथाय मोनजासिगोन

गोदान दिल्ली, 12 नभेम्बर : मा नोंथाड अल्फान्स थाइजौखौ जानो मोजा मोनोब्ला आरो बेबो डिसेम्बरनि दानाव ? जुदि नोंथाड बे थाइजौखौ जानो थाखाय गोबां खर 'सा खालामनो थाखाय थियारिब्ला, नोंथाड बेखो गोलेयैबो बानो हागोन। गोलोम बोथाराव बेखौ गोलेयैबो बायनो हागोन। गोलोम बोथोराव मोनग्रा थाइजौखौ आथिखालाव नोंथाड डिसेम्बरआवबो जानो हासिगोन नाथाय बेनि थाखाय नोंथाड मुम्बाइयाव थानांगोन। अदेबानि अल्फान्स थाइजौनि 1400 था कार्टुनआ मुम्बाइनि एपिएमसि मार्केटआव सौहैखांबाय आरो बे थाइजौखौ सान्जा आफ्रिका हादतनि मलावीनिफ्राय बिहरनाय जादो। सुलुनि बाइदिब्ला, डिसेम्बरआव अल्फान्स थाइजौखौ नोंथाड महाराष्ट्रआव मोनगोन। हापुस मुडै मिथिजानाय अल्फान्स फाइबाराव नख 'रारि

आरो हारिमायारि बाजारफोराव खालि गावनि स्वादिनि थाखायल 'नड, बबेखानि गावनि गोथाव मोदोमनायनि थाखायबो मुंदांखा। मलावीआ 1500 एकड हायाव थाइजौनि फिफांखौ गायदोमोन, जायखौ मुम्बाइनि रत्नागिरि

ओन्सोलनि समान, बेनिखायनो अल्फान्स थाइजौआ डिसेम्बर दानाव ओंखारो। जर 'खाफोरनि गनायनाय बायदिब्ला, बे थाइजौनि स्वादआ कंकण ओन्सोलाव मोनग्रा जुस बायदि जायो। महाराष्ट्रनि रत्नागिरि



जिल्लानिफ्राय लादोमोन। बे थाइजौआनो मुम्बाइनि बाजारफोराव सौहैबाय। मख 'नो गोनादि, बे थाइजौखौ मुम्बाइनि थक बाजारवा किल 'आव 700 निफ्राय 900 रंसिमाव फनगासिनो दड। मलावीनि बोथोरा कंकण

सिन्धुदुर्ग, पालघर, ठाणे आरो रायगड जिल्लाफोरनि अल्फान्स थाइजौनो थानाय 2018 आव भुमखोराडरि टेग होखांबाय। भारतआव बयनिखुइ सिगां थानाय 2004 आव दार्जिलिनि चायआ जीआइ टेग मोन्दोमोन। भारतनि गासै मोन 325 था दिहुन्थाइफोरा जिआइ टेग मोनखांबाय।

AUCTION NOTICE

Sealed Tender affixing a non-refundable court fee stamp of Rs. 8.25 (Rupees eight and twenty five paise) only are invited from interested persons/farms to purchase the rice. The bids should be submitted in a sealed cover addressed to the Deputy Commissioner, Chirang. The sealed tender paper will be received by the OC, Dhaligaon Police Station upto 2:00 PM of 17/11/2020 and will be opened at 3:00 PM of the same day in presence of tenderer or their authorized agents/representatives.

Terms & conditions:

- The minimum tender/quotation rate of rice is Rs. 10/- (Rupees Ten)
- The successful bidder shall have to remove the rice within two days at his own cost and risk after depositing the full bid money.
- If the highest bidder fail to pay the full amount of bid money on the spot, the undersigned reserves all rights to give the rice to the 2nd highest bidder.
- The intending bidders may check the rice at the Dhaligaon Police Station prior to the auction date.

Sd/- Addl. Deputy Commissioner,
Janasanyog/CF/2687/20 Chirang

SHORT NOTICE INVITING TENDER

Seated tender in singhe system affixing a non refundable court fee stamp of Rs 8.25 (Eight and twenty Five) are hereby invited from registered Govt. Suppliers/Dealers/Distributors for (A) supply of Desktop PC (including UPS), Printer, Scanner etc. (B) Furniture in the prescribed format fo' the Employment Exchange, Udalguri.

The bid receiving date extended and will be received in the office of the undersigned on or before 19 11-2020 upto 11:30 A.M. in working office hours and the same will be opened on the same day at 12 Noon in Presence of the intending Tender/Quotationers or their authorized Representatives in the office of the undersigned. The details of technical specification/items description mentioned below Payment will be made subject to Govt sanction, availability of fund and will be subject to fulfillment of items and conditions of the tender documents.

Work Name:- Supply of Desktop PC(including UPS) A3 Printer, Scanner etc. for Employment Exchange, Udalguri under National career Service Project (Mission Mode Project for interlinking of Employment Exchange) for the financial year, 2020-2021. The detailed tender papers including the technical/item specifications participation criteria and other Terms & conditions may be obtained from the office of the undersigned.

Sd/-
Asstt. Employment Officer,
Employment Exchange,
Udalguri

Janasanyog/C/6832/20

SITUATION VACANT

Aman Satya Kahroo Trust invites applications for the following posts of Sakhi- One Stop Center, Baksa

- Center Administrator (INo) Female candidates having degrees in M.A Sociology /MSW/Law, with relevant experiences in the field of women rights and gender issues
- Case Workers (2 Nos) Preference will be given to female candidates having degree in MA Sociology/MSW with related experience
- Counsellor (INo) Female candidate having degree in MA psychology and related experience
- Multi-Purpose Worker (2Nos): 8th passed female candidate
- Security Guard (INo) 8th passed male candidate

Preference will be given to the candidates from Baksa District. Candidates who had appeared in the interview before need not have to apply again.

Kindly submit your resumes in the link http://sakhiindia.in/employment_assam/ before 19 Nov'20

भारतनि माखासे गामिफोरा दावबायनायनि थाखाय मोजां जायगा

गोदान दिल्ली, 12 नभेम्बर : भारतयाव दावबायनो थाखाय माखासे मोजां जायगाफोर दं। बेफोर जादो-

(1) मेघालयनि मावल्यानाग गामिआव बयनिखुइबो साखोन-सिखोनसिन गामिनि मुं मोन्दो। बे ओन्सोलाव प्लास्टिक बेग बाहायनाय आरो स्मकि (सिगारेट सोबनाय)खौ होबथादो। बेवहाय जायगा जायगा औवानि डास्टबिनखौ दोनाय जायो जेराव गसिबो



दाखेर दालाखो गारनाय जायो। बिफानिफ्राय बिलाड़ सिरिनाय आरो दंफानि फिसा फिसा थुखाखौबो बेवहाय गारनाय जायो। बेव हायनि दैमानि गोजौयाव बिफानि रोदाजो बानायनाय दालां दं, जायखौ इननेस्कआ वर्ल्ड हेरिटेस बिमुं होदो।

(2) राजस्थाननि जधपुरनिफ्राय 40 मिनट गोजानयाव थानाय बिस्नइ भिलेजआव ट्राइबेल साफारी खालामनो हागोन। बे



जायगायाव बिस्नइ समाजखौ खाथिजो नोजोर होनो हायो। बेवहाय गोदो गोदायनि आरिमुखौबो नुनो मोनो। खिजुर दंफाजो बुंफबना थानाय बे गामियाव मै आरो चिंकाराखौ नुनो मोनगोन। गुडा बिलोया बेवहायनि बयबो सुबुंफोरनि गोसोखौ बोनो हानाय मिरु। बेवहाय माखासे रोखोमनि दावफोरखौ नुनो मोनो। बेनि माखासे मख'जाथाव जायगाफोरा जादो कनकनी



(ब्लकप्रिन्टरफोरनि गामि), सलतास (सि-जोम दाग्राफोरनि गामि), गुडा (हाग्रानि जिब जुनार आरो बिस्नइ समाजनि गामि) असियान मन्दिर, डेजार्ट वाइल्ड लाइफ, 65 कि:मि: नि जीप साफारी।

आंनि हेंथा

बे फैलाव बुहुम बिखायाव
आं जोनोम लायो।
जोनोमजो लोगोयाव आंहा गोरिब,
आरो आलाइ-सिलाइ,
जाहोनाव आं-
जेब्ला हायाव लुट्ट-लुट्टा गेलेथिडे,
सिख्लाइ एमफैया...
आंनि फेन्दा खेरेफायाव अरफबो।
जेब्ला आं उन्दुयो,
उराव एम्फौफ्रा...
आंनि मोदोमाव खेब-खाव अरखुमायो।
जेब्ला हराव आं गोदो गोदो उन्दुलाडे,
आंखौ थाम्फेफ्रा अरगिललाडे।
जेब्ला न'याव, जिरायलाडे ॥
आंनि मोदोमाव दावखुमैफ्रा-
मानसाव-खुसाव अरफबो।
आडे जेब्ला फरायसा जिउ-
आंनि उदैया ओंखाम ओंखि गैयामोन।
मालायनि गिजि गब्लं सिफोरखौसो गानोमोन,
बिबादिनो बिफोरजोसो आं फराय नाडेमोन।
आं जेब्ला लाउखार हाग्रायाव मोसो गुमहैयो,
आंनि आइथिफ्राव लुवारफ्रा अरगिललाडे।
आं जेब्ला दाहोना दुब्लियाव हालेव हैयो-
आलि दानो- खोयो मावो-
आंनि आइथिफ्राव बेदलावफ्रा ज'ज' बाथाबना अरगिललाडे
आं जेब्ला सि जौसा हादानाव आबाद मावहैयो,
सान-हर,मैदेर नेनानै मेगन मोदै-
आं उन्दुस'न लाडे जाजोबलाडे।
जेब्ला आं मेघालयाव खैला जावहैयो
आंनि लोगोया खैलाजो फबजाना थैलाडे।
बेयावनो आं आला दिडा-
आंनि समा औरैनो
गोबां जेनाजो सौग्रावना-
आं फैफिन नाडे-
बिदिनो आंनि हेंथा।

श्री निर्मल चन्द्र बसुमतारी



(3) हिमाचल प्रदेशनि कांगड़ा भेलियाव थानाय हाजोयारि गामि गुनेहखौ बयबो सुबुंफोरा मोजां मोनो। बे जायगायाव मिथिगायारि समायना थासारिखौबो नुनो मोनो। चरबाहया बे जायगानि फिसासिन गामि, जेराव गामियारि आहावानि थासारिखौ नुनो मोनो। बेवहाय मन्दिरयाव थानो हागोन, पेजरग्लाइडिं खालामनो हागोन। मनेस्ट्र, चाइना पास, बारट भेलियावबो दावबाय हैनो हागोन। जायगानि



सावगारि आरो आरिमु, भिलेज पाकखौ नुनो मोनो।
(4) उत्तराखण्डनि लैथोमानिफ्राय 7500 फुट गोजौ हाजोयाव थाय फिसा गामि कल्पआ गोबां समयना जायगा आरो बे जायगाया बयबो सुबुंफोरनि गोसोखौ बोयो। बेवहाय दावबाय हैब्ला गोजोन सुदेम बार बारनायखौ मोन्दाथिनो हायो। खानाबदश थेरबाहनि बे गामिया मिथिगानि समयनाजो बुंफबनाय आरो दावबायारिफोरनि



गोसोखौ बोनो हानाय जायगा। बे गामियाव ट्रेकिं खालामनो माखासे अप्सन दं। बेनि मख'जाथाव जायगाफोरा जादो फरेस्ट ट्रेकि, हाजोनि दैमाफोर, दै बाजुम जायगानि सनानि मन्दिर आरो भिलेज पार्क।

(5) जरहाट जिल्लायाव बौद्ध बिरासदखो सामलायनानै लाखिनाय स्याम गामियाव 12 दान दावबायारिफोरा दावबाय फैयो। बेवहाय माखासे गोदो गोदायनि बौद्ध मन्दिर दं। ध्यान आरो अध्यात्मखौ सं दानदोब्ला बेवहाय दावबाय फैनानै फुरा खालामनो हागोन। बे गामिनिफ्राय 2 कि:मि: गोजानयाव धारा फरेस्ट एरिया आरो सिंगफन वाइल्ड लाइफ सेन्सुरीनि रंजानाय बाजानायखौ लानो हागोन।

अनजालि जिउनि

दाया नो अनजालि जिउनि
आंखौ नागारना;
गोदाव-सोराव, खासि-बिसि,
हांमा, दाहा-दुखुखौ रुजुनना।
दाथ'गाइ नो आंखौ दा'नागर
गोसोआव दुखु दा'होलां;
फोथाइ नो आंखौ अनजालि फोथाइ
गोबोआव दाहा दा-होलां;
नाजावगोन नोनिफ्राइ आं
सुखु आरो गोदै-राव।
फोथाइ नोबो आंखौ गोबोजो
दड आंहाबो नोखौ अननो हानाइ
हायो आंबो नोखौ गोजोन होनो
दुखुआव-सुखु, खैफोदआव निदान।
दाया नो आंखौ नागारना-
हांमा-दैमा दुखुखौ रुजुनना
दडब्ला बराद मोनगोन नोबो आंखौ
मोनगोन आंबो नोखौ;
फोथाइथि गोसोजो नोबो आंखौ फोथाइ
नांगोन
गोबोजो फोथाइगोन आंखौ नोखौ।
लुबैयो नोनिफ्राय अननाइ मोननो
सौहैया मानोबोला नोखौ लोगो हमनो
थायो मानो नो आंखौ नागारना
एरा-एरा, रागा-रागा अनजालि।
नुयो आं सामफ्रोमबो नोनि मोखांआव
सानदो नामा नो आंखौ नोखौ नागारना
गुबुन सिख्लाजो.....।
नड नड अनजालि नागारा नोखौ
थगाइआ अनजालि नोखौ आं
दागाव अनजालि दा...गा...।

श्री थमास बसुमतारी
गामि- महेन्द्र पुर
ला:सो:- गडिया (कसुगाव)

रंजालि गथ' फोरनि सौरा

सोरखौ सोर मालाय सान्दों

नै आगोमा बर' जोहोलावफोर
बर' बिमानि गोबोनिफ्राय जोनोम लाबाय नोसोर
माखौ सान्दों माखौ मावदों
सोरखौ सोर मालाय सान्दों ?
फेदेरनो ग्रेब ग्रेब बिमानि देराखौ
बेसेन होनो सुबुं जिउमाखौ
नाथाय नड बिनि अनगायै-
गावजो गाव जोबझानायनि दावहा सोरजिबाय।
सोर दड जोहोलाव नोहा नखराव ?
गैया रावबो गैया नखरानो फिसाखा।
फिसा नखरखौ गिदिर फेदेरनो
हारिनि महर मुमिखौ फोजोखांनो।
बर' हारिनि आलादा राज्यो दानो, सिमां नुनाया-
जाबाय दिने जोहोलावफोर
बिदा फंबाय बुलाय-सोलाय, दानलाय सुलाय,
आरो नुबावबाय सोनाय गैया फिन्नाय गैया
गोसोम उखुन्दैनि गेजेरजो
A.K. 47 नि बिषनि गुलिजो
अन्थाय बिखानि बबा रायज्जालायनाय।
ल'हाया जिउ,राव, गियान, धोरुम गैया
नाथाय मानसि हादि-
जिउ दं, गियान धोरुम दं मानोथो-
रायज्जालायनो रोंदिया, सान्दो रोंदिया, बुजिनो हादिया-
अ' मानसिया मानसि नंला।
नो आंखौ गावथारदो खहाया नोनिनो जादो
आं नोखौ गावथारदो खहाया आंनिनो जादो
नाथाय नोनि आरो आंनिल' खहा नड
बिजिरलु आखुनि गोहोआ दिन्थियो
बेवहाय दुलाराय बर' हारिनि।
मोजाड मोजां सान्दों गात्रिया गात्रि बुजिदो-
बिदा-फंबाय गबायलाया जादो
नाथाय बेवहाय लाजिनाय गैया।
बुजिनाय गैया बिजिरनाय गैया
धोरुम गैया अनलायनाय गैया
बेनो नामा जोहोलाव-
हारि सिबिनाय राज्यो दाबिनाय
माहारि फेदेरनाय, मास्टर रेस दानो सान्नाय:
बिमानि मोदै हुगारनाय ?
आं जिगा सियो गाबो फिसाफोर
आंहा गोबो दं बिखा दं
फिसाखौ खानायनि बासायनायनि
हारिखौ मोजां मोनायनि सिबिनायनि
आं दुखु जायो फिसाफोर नोसोरबो दुखु जादो
आं मोदै गयो फिसाफोर नोसोरबो मोदै गदो।
बिदा फंबायजो खोसे जाफिन्दो,
बर' हारिनि इयुनिन गोजोन नखरखौ
गोदाने दाफिन्दो
सानलायदो बुजिलायदो गोरोबलायदो
दुलाराय बर' हारियानो खोसे जाफिन्दो।

प्रदीप कुमार बसुमतारी
कक्राइर।

अबोला आं मा खालामनो!

नै बे गुवार संसारनि
थिं थिं गुदु हाउ हाउ बालाबारियाव
दै गांगोन आं थाबाइनो बायो।
दै गुदु हाउ हाउ बालाबारिखौ
आं बारलांनो गियो।
रावनिबो आगन आरो
लामा गैथै बे बालाबारियाव
आं बबेथिं थानो!
बेवहाय फांसेबो बिफां गैया।
बेवहाय बार मोदायबो बारो।
जाउनाव हादि बालाया बुखानानै
मेगनाव हाबो आरो
मेगनिफ्राय मोदै गयो।
नाथाइ

मेगनि मोदै, हादि बालाखो
सोर हुगारनो आरो एरख'नो ?
गुबुनफारसे संसारनि
थिं थिं सान्दुआ दैदेनलानानै
बेलासे बुब्लिया आंखौ बरायहरनो खावलायो;
नोनि न'आव थानो।
लाजिगुसु मोखां सोमखेथै
अबोला आं मा खालामनो!

श्री सबिन बिखारोजा मोसहारी।
गामि - देवानपारा।
ला:सो:- बागरगाव।
जिल्ला - सिरां बि.टि.सि.(आसाम)।

आं दा मोनथिया

मिथि मोना
हमदांस' हाया
समनि सोलायनाय बुब्लि
मादि महर होफैयो
जिउनि बिथुनाय।
सुखु ना दुखु
जेनाय ना देरहानाय।
बाइदि सान्नि
बाइदि सानबोलावरियाव
बिर्थिहैयो गोसो दावसिन
मोनथिस'हायै बबेबा मिजिनि फुरियाव।
खोमसि लामानि गेजेर गेजेर
हाथिलांगोन आंबो
सोरांनि बनजार गैथै
जिउखौ लाना
सोरां जिउ नागिरिनो
बै रोमै-रोमै जायखलं सिमानि देरासिम।
मोनथिया माब्ला देरहागोन
सानस'हाया माब्ला सहैगोन
बेखौ आं बुनानै रोखा खालामनो हाया...
बेफोर समनि थिन्नाय
बिदिन्थानि गेलेनाय
बुब्लिनि सोलायनाय
आरो...
गावनि नाजानायजोसो...।

-राजेश बर'

गामि-सान्जा हाजिरा, (बाक्स)

नेवसि जानाय गोसो

बे मोजां मोननाय नि गेजेराव
नडमोन आं दायनि गिरि।
लानांबाय दायखौ रुजुनानै आं,
नागर लांबायनो आंखौ!
अब्लाबो नोखौ गोसो खानानै लियो
आं हरखि सान लाभ लेथार
नोखौ गोसो खानानै सुजुयो
आं खन्थाय रायथाय।
फोरमाय हरनो सानोमोन
नाथाय गैया रावनिबो हेफाजाव,
साया माया गेले फैबाय थायो
नो आंनि बिखायाव।
लाबाय आं नोनि मुंखौ
बिखायाव सोनानै।
अराय जिउनि थाखाय
गोसो खांबाय थायो आं नोनि महरखौ
नाथाय नुवा आं मोकथांआव
नोनि महरखौ लाय।

शुश्री जोंसार नारजारी
फरायसालि-मागुर मारि गोजौ फरायसालि
गामि-खाथाल गुरी
बोसो-जिबा (15) बोसोर।

बारदै सिख्ला

मिथिगानि लोगो
बारदै सिख्ला,
जाइलि खोमसि
नोखौ नायब्ला,
गिथाव बाथाव
महर मोखांआ
फैयो नो सिनानै
खुगा हां-हां।
जिउनि आंग्रियाव,
जोबरोडेगाबजो
मा मैया दिन्थियो नो
अन्नायनि गिरि।
बेसेबा महरजो गेलेदो
गोमो होयो बावहोयो
नो माया गिरि।

शुश्री रोमै रोमै बर'
फकिराग्राम पाब्लिक गोजौ फरायसालि
गामि:- थिनकना।

आमजाद खानआ 12 नभेम्बरआव जोनोम जादोंमोन

गोदान दिल्ली, 12 नभेम्बर : सावथुन 'शले'नि गब्बर सिं एबा आमजाद खानआ 12 नभेम्बरआव जोनोम जादोंमोन। आमजाद खानआ बलिउडनो माखासे हिट फावफोरखौ होदों, नाथाय जाय फावखौ बयनियखुइ बांसिन मोजां मोन्दों। बे फावआनो जादों गब्बरनिमोन। आमजादआ आथिखालाव बे मुलुगयाव गैला, जुदि बियो थानानै थायोमोनब्ला 77 बोसोरनि जासिगोमोन। सावथुन शलेआव गब्बरनि फावआ बिखौ मुलुगनाडै मुंदांखा खालामदोंमोन। आमजाद खानआ गब्बरनि फावनि थाखाय गिबि सायख'जानाय नडमोन। आमजादनि सिगां बे फावखौ डेनीनो अफार



खालामदोंमोन। डेनीआ धर्मात्मानि शुटिआव नांथाबनानै दडमोन। बे जाहोननि थाखायनो बियो गब्बरनि फावखौ खालामनो हायाखै आरो बानायगिरिनि सिगाडाव गनायनो हायाखै। बेनि उनाव बे फावनि थाखाय आमजाद

खानखौ सायख'नाय जादों। सेलिम खानआ जाबेद आखारनो आमजाद खाननि

मुंखौ मोनथिहोदोंमोन। जाबेद आखारआ आमजाद खानखौ माखासे बोसोर सिगां दिल्लीआव मोनसे खेलायाव नुदोंमोन। शलेआ रिलिज जानायनि उनाव आमजाद खानखौ नुनानै सुबुंफोरा गियोमोन आरो माखासे सुबुंफोरा गाव गावनि फिसाफोरखौ सिगिनो थाखायबो गब्बरनि मुंखौ लायोमोन। 12 नभेम्बर 1940 आव पेशावरआव जोनोम जानाय आमजाद खाननि बिफा जयन्तआबो माखासे

सावथुनफोराव भिलेननि फाव खालामदोंमोन। आमजाद खानआ 1978 आव हिन्दुस्ताननि कसम सावथुनजों बलिउड आव डेब्यु खालामदोंमोन। 1975 आव शलेआ रिलिज जानायनि उनाव आमजादआ गोबां मुंदांखा जादोंमोन। बिनो ग्लुकुज-डि बिस्कु टखौ फोसावदिं खालामनो अफार होदोंमोन। बियो थाबैनो बेनि थाखाय गनायदोंमोन। आमजादनि बे फोसावदिं खालामनाया गोबां मुंदांखा जादोंमोन।

गाहाम देहानि राहा

गुसु बोथोराव गुरनि चाहा लोंनायजों मुलाम्फा गोनां जायो

करनानि समाव गुर जानायजों इमिडनिटि सिस्टेमआ गोखों जायो। लिरथाइखौ बाडाइ खालामनायनिफ्राय लानानै माखासे बेरामफोरनि थाखाय गुरनि चाहाआ जोबोद गोनां जायो। अदेबानि गुरनि चाहाआ गुसु बोथोराव एनार्जि बाराय होनायाव खामानि मावयो। बिदिब्ला फे गुसु बोथोराव माबायदि गोलेँयेनो न'यावो गुरनि चाहा बानायनो हायो आरो बेनि मुलाम्फानि सोमोन्दै मिबिथनानै लानि - (1) गंसे आइजेंडव कापसे दै लानानै बेयाव हाइजें, इलायचि, गवामुरि, लंखौ लगायनानै फुदुं। बेनि उनाव बेयाव गुर होनां मोजाडै लगाय। बेखौ सम गोबाव फुदुंनो नाड नडब्ला गावनो हागौ। (2) गुसु बोथोराव गुरनि चाहा



लोंनायजों उदेंनि मेजेमा बाडाइ जायो आरो देहाया गाहामै थायो। बेजों दोगोन तन्त्रआबो गाहामै थायो। (3) बेयो बिखायाव आलोंनायखौबो बाडाइ खालामनायाव मदत खालामो। गुराव चीनिनिखुइ बांसिन भिटाभिन आरो खनिज थायो, जाय देहाखौ गोगोयै लाखिनायाव मुलाम्फा गोनां जायो। (4) माइग्रेन एबा खर' साग्रा

हाथाइ सानायखौ बाडाइ खालामनायाव नख'रारि राहाया नोंथांखौ मदत खालामगोन



जुदि नोंथांनो हागोमा रज'खांबायब्ला, हाथाइ मोदोमनि सानायखौ मिथिखांबाय जानांगौ। बे हाथाइआ मोदोमनि बयनियखुइ जोबथारनायाव रज'यो। बांसिन मानसिफोरनाव हागोमाआ 17 निफ्राय 25 बोसोरनि गेजेराव रज'यो। बेराफासँ माखासे सुबुंफोरनाव हागोमाया गोबाव साननि उनावसो रज'यो। जुदि नोंथांनो दासिमबो हागोमा रज'याखेब्ला हागोमा रज'नाय समाव माबायदि सायो बेनि सोमोन्दै मिथिनानै ला :-

हागोमा रज'नाय समाव सानायनि माखासे जाहोन थानो हागौ। खुगानि गुबुन हाथाइफोरा टेरा-बेखा जानायनि जाहोनावबो गोबां सायो। मानोना बेनि जाहोनावनो

सानायखौ बाडाइ खालामनायनि माखासे न'खरारि राहा- (1) हाथाइआव जायखि जाया रोखोमै सायोब्ला बयनियखुइ बांसिन लंखौ बाहायनाय जायो। हागोमनि थाखायबो लंखौ बाहायनाय जायो। मानोना लंआव एनेस्थेटिक आरो एनालगेस्टिन गुण थायो, हाथाइनि सानायखौ जानगर खालामनायाव मदत खालामो। (2) बेनि अनगायै लंआव एन्टि बेक्टेरियल आरो एन्टि सेप्टिक गुनबो मोन्नाय जायो, जाय इनफेक्सन गोसारनायखौ होबथानायाव मदत खालामनो हागौ। (3) सामब्राम गुफुरा देहाजों लोगोसे हागोमनि सानायखौ जानगर खालामनायनि थाखाय मुलाम्फा गोनां जायो। (4) सामब्राम गुफुराव एन्टि बायटिक, एन्टि अक्सिडेन्ट आरो एन्टि इफ्लेमट्री बायदि माखासे मख'जाथाव गुनखौ मोन्नाय जायो, जाय जॉनि थाखाय मुलाम्फा गोनां। (5) सामब्राम गुफुराव खौ बाहायनायजों नोंथांनि खुगायाव सोमजिन्ना बेक्टेरियाखौबो साफा खालामनो हागौ।

कभिशिल्ड भेक्सिननि 4 कौटि डूपआ थियारि जाबाय

भेक्सिननि कभिशिल्डनि 4 कौटि डूपखौ थियारि खालामनायनि। बेजों लोगोसे बेनि थामथि आरो फाइनाल फेजनि ट्रायेलनि थाखाय सा 1600 सुबुंफोरा रेजिस्ट्रेसनबो जाबाय। अदेबानि इन्डियान काउन्सिल अफ मेडिकेल रिसार्च (आइसिएमआर)नि नोजोर होनायाव कभिशिल्डनि ट्रायेलआ सोलिगासिनो दड। एसआइआइया आमेरिकानि कम्पनी नभाबेक्सजोंबो

कभाभेस भेक्सिननि थाखाय टाइअप खालामनायनि। रिपटासनि बाइडिब्ला, नभाबेक्सआ एसआइआइजों लोगोसे 2021 आव 100 कौटि डूपखौ साप्लाय खालामगोन। हादतनि माखासे राइज्योफोराव एक्टिभ केसआव बांनयाव जिंजा सिनायनि आयदा जादों। मानोना थानाय बुधबारावबो हादतआव 4 रोजा 988 एक्टिभ केस मोन्नाय जादों।



फातिमा सना सेखनि सावथुन 'सुरज पे मंगल भारी'आ रिलिज जासिगोन



गोदान दिल्ली, 12 नभेम्बर : फावखुंघि फातिमा सना सेखआ सावथुन 'सुरज पे मंगल भारी'आव फाव खालामनायखौ लानानै गोबां उसु-खुथु जादों। बियो सावथुन दंगलजों बलिउड आव डे ब्यु खालामदोंमोन। बे सावथुनआव बिनि अनगायै सान्या मल्हत्रा आरो आमिर खानआबो गाहाय फाव खालामदोंमोन। सावथुन सुरज पे मंगल भारीआ 15 नभेम्बरआव सिनेमाहलफोराव रिलिज जासिगोन। बेवहाय

फातिमा सना सेखआ गाहाय फाव खालामदों। 'सुरज पे मंगल भारी'नि गोदान देखोआ रिलिज जाबाय। बेवहाय फातिमा सना सेख आरो दिलजीत दसान्जआ गोबां गोसो होसारनानै मोसादों। बे देखोआ दिलजीत दसान्ज आरो फातिमा सना सेखनि केमिस्ट्रीखौ नुनो मोन्दों। बेखौ अभिषेक शर्माया बिथोन होदों। सावथुनआव दिलजीत दसान्जआ सुरज सिं दिल्लीनि फाव खालामदों।

संसार जानाय

(थानाय बिसानिफ्राय) खर'आव गोग्लैबाय। नाथाय ओजों बिदा फंबाय गावसिनि फरायनाय बायदि गावबागाव साखी मोनजोबाय। बैसो जानाय लोगो बिसोर गावबाबाव संसार दाबाय। ओजों अबारामआ संसारनि सात जालांखौ रुनुनांगौ जाबाय। साखि गैया बाखि गैया।

साखि दडमोनब्ला अबारामनि जीउआव साखीया स्तेनबाइ जानानै गसंगोमोन। बर'नि न'खरा हाबा जाखांभाथाय गावबागाव। रावबो रावजोंबो खाथेर गैया। बिनि सायाव न'नि गाहाय गैलिया। बिमा बिफानि जा एसे हा-हु दडमोन बेबो रानखाय सिखाय। साफायाव ड बिधासोल' गोग्लैबाय। बोसोरनि जानायखौ बेल' हाजों अबारामआ सुफुनो हायाखिसै। अबारामआ दा गथ' साब्रैनि बिफा। लेखा रोडगारा, साखी गैया गारा हिन्जाव जनाया गोदोनायाव गन्द्राया गानायसो जाबाय। अबारामआ एखनब्ला सानो लेखा फरायबावोमोनब्ला एबा साखी.....।

आबादफाबो

मावब्लाबो जाथारला। बे हाबायावनो जायाब्लाबो जाब्लाबो बोसोराव खेबनै गाहाम आबाद मावबाय थानायखाय। हासायबो होला नालाय। जानो लोंनो आंखालाव मानसिफ्रा गावजों गाव जाहां जाहां। अबारामआ मालाइनि आदि फादि हा-हु लानानै गाननाय आबादफ्राबो रानखाय सिखाय। मावनायानो रासिन खप्ट। दैजलां गेजेरावनो अबारामा थानानै थानो थाखाय आदार नागिरनांगौसो ना माइखौसो गाइजोबनांगौ जाबाय। जैरैबो आख'फाख'। माइखौथ' गाइजोबथारनांगौ, नडब्ला फेगोन उन बोसोराव माखौ जानो? नाथाय जायाबलाबो मावबाय थानोबो हाया। बोथिसे आंखाम नागिरनानै लाबोनायावनो अबारामा दुब्लियाव थानांगौआ दाबो मोनजाया, दालाय मालाइफ्रा गाइनाय फुनायाव दब्लायने गिदिर गिदिर दब्लायसे गाइखांबाय बे बेलासि माइ गाननायाव। अबाराम आरो अलकाया संसार जानायव दासो रसा नांनांदोंगोन। दासो लेखा फरायनायनि बेसेनखो हमनोहादोंगोन।

डाइरेक्टर एकता कापुरआ जेंनायाव गोग्लैदों

इन्दर, 12 नभेम्बर : मुंदांखा सावथुन डाइरेक्टर एबा सावथुन बिथोनगिरि एखता कापुरखौ इन्दरनि हाइकर्टआव केस थिसन्दों। बिनि सायाव मोनसे वेब सिरिजआव सान्थि हान्जानि हेंथायै अजद गोनां मुवा बेसाद दिन्थिनानि केस सालायगोन। एकता कापुरआ मोनसे वेब सिरिज बानायदोंमोन, जेराव सान्थि हान्जानि सोमोन्दोआव हेंथा होथाव दिन्थिनानि दाय जाबसिन्दोंमोन। बेखौ रागा जॉनानै सासे सुबुंआ इन्दरनि अन्नपुर्ना थानायाव केस थिसनो। अजदलाइ थिसनगिरिया सुबुंफोरनि मोन्दांथिखौ फुस्तलायनायजों लोगोसे गुबुन धाराफोराव एकतानि हेंथायै केस थिसनो। आथिखालाव नायबिजिरनायाव हेफाजाव होनो थाखाय एकता कापुरआ इन्दरआव थानो गोनां जागोन। केस थिसन जानायनि उनाव बेखौ सावथुननि स्टार जोतेन्द्र कुमरनि फिसाजों एकता कापुरआ हाइ कर्टआव सेलेन्स होदोंमोन। बिनि उकिलआ



बुंदोंमोनिदि, वेब सिरिजआव जेबो रोखोमनि अजद गोनां गैया। नायबिजिरा लासे आरो बाथ्राखौ खोनासंजालासे पुलिसआ जिनाहारि खालामनायनि केस थिसनदोंमोन। अजदलाइ थिसनगिरि आरो पुलिसनि फासँ बुंनाय जादोंदि, अटिटि प्लेटफर्मआव अजद गोनां आरो अशलील मुवा बेसादनि अनगायैबो अशलीलखौनो दिन्थिनया जादों। बेनिखायनो बानायगिरि-बिथोनगिरिफोरनि सायाव नायबिजिरनाय जागोन।

हाइकर्टआ गासिबोनि बाथ्राफोरखौ खोनासंनानयनि उनाव थांखिखौ रैखाथियै लाखिदोंमोन। बुधबाराव जास्टिस सनी शचन्द्र शर्मा, जास्टिस शेलेन्द्र शुक्लानि खन्डपीठआ बे केसआव थांखिलानायखौ खोनासं होदों। मख'नो गोनांदि, अटिटि प्लेटफर्मआव मोनसे वेब सिरिजआव रिलिज जादोंमोन, जेराव सान्थि हान्जाजों सोमोन्दो गोनां माखासे अजद गोनां सावगायिखौ दिन्थिनया जादोंमोन।

10 बोसोरनि उनाव आर्टिफिसियल सान मोनो हासिगोन

गोदान दिल्ली, 12 नभेम्बर : गासिबो थिकयै थाजोबयोब्ला फैनो गोनां 10 बोसोराव बुहुमाव आर्टिफिसियल साननि सोरांजों मोदान फबगोन। गोबाव समनिफ्रायनो बेनि सायाव हाबाफारि मावनाय जादों। मेसाच्युसेट इन्स्टिटुट अफ टेक्नोलॉजि आरो कमनवेल्थ फिउजनि सिस्टेम कम्पनीआ बे बिथिडाव गोबाव समनिफ्राय हाबाफारि मावदों। बावयैसो समाव बियो मोनसे आसा खालामनायनि सोरांखौ नुनो मोनो। गुन्द्रासा गोहोजों सोमजिखानाय खैफोदनिफ्राय जानगाराव थानानै बे गोदान बिथांखियाव फिउजनि आरो फिजनखौ बाहायनाय जादों। बिगियानगिरिफोरा दाबि दैखांदोंदि, बेयो आर्टिफिसियल सोरांखौ मोन्नायजों लोगोसे आबहावायाबो गोग्गोयै थगोन। फिउजनिआ ब्रह्मान्डनि गोहोनि फुंखा सानजों लोगोसेनो गासिबो हाथखिफोरा फिउजनि गेजेरजोंनो गोहोखौ सोमजिखा'होयो बिगियानगिरिया बुंदों, साननि सोराड खम जालांगासिनो दं। नासायाबो संदान्नायाव बे बाथ्राखौ फोरमायदों। आकाश गंगानि गुबुन हाथखिफोरनि रुजुनायाव सानया थाबैनो लोरबां जालादों। बेबादि थासारियाव



बुहुमयाव हिमयुग फे फिन्नायखौ सन्देह खालामदों। बेनिफ्राय बारग'नो थाखाय बे संदान्नाया गोबां


मख'जाथाव। बेबादिनि जाहोनावनो बिगियानगिरिफोरा गोखैयै आर्टिफिसियल सानखौ संदान्नायाव नांथावदों।

कभिशिल्ड भेक्सिननि 4 कौटि डूपआ थियारि जाबाय

गोदान दिल्ली, 12 नभेम्बर : अक्सफर्ड आरो एस्ट्राजेनिकानि भेक्सिन कभिशिल्डखौ भारतआरि कम्पनी सीरम इन्स्टिटुट अफ इन्डियाआ बानायगासिनो दड। हादतआव करनानि बारायनाय केसफोरनि गेजेरजों मोजां खौरां मोन्नाय जादों। सीरम इन्स्टिटुट अफ इन्डियाआ बृहस्पतिबारखालि फोरमायदि, अक्सफर्ड आरो एस्ट्राजेनिकानि करना

फैगौ मार्स आरो जुन दानाव फिफा वर्ल्ड काप क्वारिफाइयारनि दोन्थ 'नाय मेचफोरखौ खुंगोन

गोदान दिल्ली, 12 नभेम्बर: भारतआरि फटबल टीमआ कभिड-19 महामारिनि थाखाय दोन्थ 'नो गोनां जानाय 2022 नि फिफा वर्ल्ड काप आरो 2023 नि एशियान काप क्वारिफाइ मेचफोरखौ फैगौ बोसोरनि मार्च आरो जुन दानाव खुंफिनो थि खालामदों। एशियान फुटबल फेडरेशन (एएफसि) नि साब कन्टिनेननि खुंफुं आफादआ बे थांखिखौ फोसावो। अदेबानि आफादआ मेच खुंनायनि अक्ट 'खौ फोसावआखे। फिफा नि हारिमायारि मेच केलेन्डरनि बादिये 2021 नि थाखाय 22 निफ्राय 30 मार्चनि गेजेराव आरो एएफसिनि थाखाय 31मेनिफ्राय 15 जुनसिमनि गेजेराव मेच खुंनायनि थि समफारि लानो हागो।



कातार आरो आफगानिस्ताननि हेन्थायै नखर 'र फोथाराव आरो गुबुन मोनसेखौ बांग्लादेशनि हेन्थायै बिसोरनि फोथाराव गेलेनांगोन। भारतआरि टीमआ गुप-इ आव मोन 5 मेच

सेथिआव कातार (13 पइन्त्य), 2 थिआव अमानआ जायगा लानानै दड। बे हादतफोर फैगौ 2023 एशियान कापनि थाखाय क्वारिफाइ खालामनायनि खाबु दड।

गथ 'सा लांखारनायनि हेन्थायै नेडान एनजिअ 'नि सांग्रांथियारि हाबाफारि

कक्राझार, 12 नभेम्बर: राइज्योनि दाब दाब ओन्सोलफोराव सोमजिबाय थानाय गथ 'साफोरनि सायाव खालामनाय इनाय उतखार, लांखारनाय, उन्दै बैसोआवनो जुलि होनाय बायदिसिना समाजारि गाचि जाथायफोरनिफ्राय रैखाथि होनायनि राइजो-राजा सुबुंफोरनि गेजेराव सांग्रांथि लाबोनो दिनै नेडान एनजिअ 'नि बान्जायनायाव मोनसे सुबुं हान्जा खुंनाय जायो। बे सुबुं हान्जा सुरनाय रेलिखौ बिटिसि सेक्रेटारियेट लांगोना मोखांआव बेखेवजेनानै होयो कक्राझार जिल्लानि बेंगिरि भास्कर



फुकनआ नेडान एनजिअ 'नि सामलायगिरि डिगम्बर नाजार्जिजो लोगोसे गोबां मानगोनां सुबुंफोर बाहागो लानाय बे सांग्रांथियारि हाबाफारिनि गेजेराव लामानि नाइजाव दिन्थिफुनानै सांग्रांथि

लाबोनो नाजानाय जायो। बेखेवनानै होनाय बिबुंसारव जिल्ला बेंगिरि मुस्लि फुकनआ बुडोदि, बेसरकारि आफाद नेडान एनजिअनि बे सांग्रांथियारि हाबाफारिआ बाख्नायथावल' नडा बेनि

गेजेरजो ओन्सोलाव सोमजिबाय थानाय गथ 'सा लांखारनाय आरो बिसोरनि सायाव इनाय-उतखार खालामनायखौ होबथानायव मदत फैगोन होन्नानै मिजिंथिनाय फोरमायो। नेडानि सामलायगिरि डिगम्बर नाजार्जिआ बुडोदि, दासान्दि राइज्योनि दाब-दाब ओन्सोलफोरनिफ्राय गथ 'सा लांखारनाय जाथायफोरा बांलांनो हमदों। बेखायनो राइजो-राजा सुबुंफोरखौ सांग्रांथियाव लाबोनानै बेनि हेन्थायै गसनो हानायबादि बे सुबुं हान्जा सुरनायखौ खुंनाय जादों। बिथिड बुंबावोदि, दिनैनिफ्राय जागायजेननाय बे सुबुं हान्जा सुरनायखौ जिल्लानि दाब-दाब ओन्सोलफावबो खुंनायजो लोगोसे नाइजावबो दिन्थिफु'नानै समाजआरि सांग्रांथि लाबोनो नाजानाय जागोन होन्नानै बुडो।

वर्ल्ड रेसलिं सेम्पियनसिफ 2020 आव इन्डिभिजुयेल वर्ल्ड कापआबो जायगा मोनगोन

कोस्पर सर भेभे (सुइजालेन्ड), 12 नभेम्बर: इनाइटेड वर्ल्ड रेसलिं (इउ डब्लिउ डब्लिउ) आ बे बोसोराव कभिड-19 नि थाखाय वर्ल्ड सेम्पियनसिफ खुंजायैनि थाखाय इन्डिभिजुयेल वर्ल्ड काप खुंनो थाखाय राहा लादों। आफादनिफ्राय फोसावनाय जादोंदि, हादतआरि आफादफोरखौ वर्ल्ड सेम्पियनसिफ 2020आव बाहागो लाफेनायनि रोखा खालामनायखौ थानाय 5 नभेम्बर अक्ट 'आवनो थि सम सिमना खानानै होदोंमोन। इउ डब्लिउ डब्लिउआ वर्ल्ड सेम्पियनसिफ 2020 नि थाखाय माखासे खान्थि बानायनानै लादोंमोन। बे राहा बादियैनो थानाय बोसोराव खुंनाय वर्ल्ड सेम्पियनसिफआव बाहागो लाफेनाय हादतफोरनि गेजेरनिफ्रायनो 8निफ्राय 10 गोजौ सिरिआव थानाय हादतफोरखौ बे बोसोरनि सेम्पियनसिफआव बाहागो



लानाय गेलेगिरिफोरनि 70 जौखोन्दो गेलेगिरिफोरखौ बे बोसोरावबो बाहागो लानो हानायनि थि खालामनाय जादोंमोन। नाथाय कभिड-19 नि थाखाय गोबां हादतफोरा थालाय फैलाय खालामनो हायैआव बे सेम्पियनसिफखौ खुंनाया गोब्राव जादों।

इन्डिभिजुयेल वर्ल्ड काप बेलग्रेडआव खुंनाय जागोन। बे टुनामिननि अक्ट 'खौबो बावैसोनि गेजेरावनो फोसावगोन। गासे 30 बाहागोआव खुंनो गोनां बे टुनामिननि बान्था बेसेनआ 300,000 सुइज फ्रान्स जागोन। इउ डब्लिउ डब्लिउनि आफादगिरि नेनाद लालोभिकआ बुंदों, बे आफादनि बिसायख 'थिखौ 2021 सिम दोन्थनाय जादों, नाथाय बोसोरनि जोबथा मेलखौ भासुयेलआव खुंनाय जागोन होन्नानै बिथाडो फोरमायो।



सत्यमेव जयते
आसाम सरकार
गोजौ सोलेंथाय बिफान

आसाम भाषा गौरव बिथांखिनि सिडव लिरगिरि बरायनाय

“Lekhok Sambardhana”
under the Scheme ‘Assam Bhasa Gourav Achoni’

आसाम सरकारआ राव-थुनलाइनि जौगाखानाय बेलयाव जर 'खा बिहोमा होनाय राइज्योनि मोनफ्रोमबो थागिबि रावनि सायख 'जानाय लिरगिरिफोरखौ बरायनो थाखाय बे बिथांखिखौ आजावनाय जादों। थि खालामनाय फारिखान्थिनि बिथायाव सायख 'जानो गोनां लिरगिरिफोरनो नोगोद 50 रोजा रां आरो गांसे बराय लाइजो बरायनाय जागोन।



सर्बानन्द सनवाल
मान गोनां मन्थ्र, आसाम सरकार

सुंदोब नेमखान्थिफोर:

- 1। राइज्योयाव जिउ खुंनाय 60 बोसोरनि (1 जानुवारी, 2020) दुइसिन लिरगिरिफोरा बे सायख 'नायनि थाखाय आर 'ज गथायनो हागोन। आर 'ज गाबगिरिनि भटार सिनायथि लाइ, पान कार्ड एबा सोलेंथायारि फोरमान लाइखौ बैसोनि फोरमान लाइ महैर आजावनाय जागोन। आर 'ज गाबगिरिफोरनि जाफुंसारनाय, बान्थानि फोरमान लाइ एबा गुबुन फोरमाननि पट कपि आर 'ज लाइजो सुथाबनानै होनो हागोन।
- 2। आर 'ज लाइजो लिरगिरिनि गांने बिजाब दैथायहरनांगोन। दैथायहरनाय बिजाबया 2019 माइथायनि 31 डिसेम्बरनि सिगांनो दिहुनजानाय जानांगोन।
- 3। गुबुन भारतयारि रावनिफ्राय असमीया आरो गुबुन ओन्सोलारि रावआव दानस्लायनाय बिजाबयाबो आजावजागोन।
- 4। सरकार (राइज्यो-मिरु) बिबानगिरि-मावफारिया (अरायथा), सरकारनि सिडव उदां निगम फसंथान, आफाद बाइदिनि अरायथा मावफारिया, माहारियारि गनायथि जानाय बैंक आरो बीमा उद्यगनि अरायथा मावफारिया, सरकारि एबा प्रभिन्सिएलाइज फरायसालिमायाव मावनाय राइज्यो एबा मिरु मुलुग सोलेंसालियाव मावनाय सरकारि एबा सरकारि मदत मोनाय गोजौसिन फरायसालि, गोजौ फरायसालियाव अरायथा महैर हाबा मावनायफोरा बे बिथांखिनि थाखाय आर 'ज गथायनो हानाय नडा।
- 5। आर 'ज गाबगिरिया आर 'ज लाइ आरो गावनो गाव सुजुनाय गांने बिजाबनि गांसे गांसे कपि फैगो 30 नभेम्बर, 2020 अक्टनि सिगांनो मोनफैनाय बायदिये लिरगिरि बरायनाय, आसाम प्रकाशन परिषद, बमुणीमैदाम, गुवाहाटी-21 (Lekhok Sambardhana, Publication Board Assam, Bamunimaidam, Guwahati-781021) थंआव दैथायहरनांगोन।

आर 'ज लाइनि गाहायाव होनाय जायखि-जाया वेबसाइटआव थानानै डाउनलड खालामनो हागोन।

(<http://directoratofofhighereducation.assam.gov.in>) एबा (www.publicationboardassam.com) आव डाउनलड खालामनायनि उनाव फर्मलाइ सुफुनानै डाकजो गोजौयाव मख 'नाय थंआव दैथायहरनांगोन।

Janasanyog/D/6851/20

Eligibility Conditions :

1. Applicant has to submit only 2 (two) books (one copy of each book).
2. Book must be Published before 31st December, 2019.
3. Translation from Indian Language into Assamese or other regional language will be considered.
4. Applicant must not be a regular employee of Govt. (State/Central/UT) Department, Govt. Undertaking any Autonomous Body, Nationalized Bank, Nationalized Insurance, Organization, Govt./Provincialised Colleges, State and Central University, Govt. and Govt. Aided Higher Secondary School and High School.
5. Applicant's age must not be more than 60 (sixty) years of age on 1st January, 2020.

Application (Search : <https://directoratofofhighereducation.assam.gov.in/www.publicationboardassam.com>) along with 2 hard copy of Books have to be furnished in the office of the **Publication Board Assam, Bamunimaidam, Guwahati-781021** within 30th November, 2020 positively.